

**Ka Moporesidente
Henry B. Eyring**
Mogakolodi wa Ntlha mo
Boporesidenteng jwa Ntlha



O biditswe ke Modimo mme o Tlametswe ke Batho

Jaaka rele maloko a Kereke, re lalediwa gantsi go tlamela batho mo dipitsong go direla. Mo dingwageng tse di fitileng moithuti o o dingwaga tse 18 o ne a mpontsha gore go tawang go tlamela bathanka ba Morena. Ke santse ke segofaditswe ke sekai sa gagwe sa boikokobetso.

O ne a sa tswa go simolola ngwaga wa ntlha wa gagwe kwa kholejeng. O ne a kolobeditswe mo go sa feteng ngwaga pele ga a tswa gae go ya go simolola dithuto tsa gagwe kwa unibesithing e tona. Koo Ke ne ke direla ke mobishopo wa gagwe.

Jaaka fa ngwaga wa sekolo o simologa, Ke ne ka nna le potsotherisanyo nae mo ofising ya ga bishopo. Ke gakologelwa go l gonnye ka puisanyo ya ntlha fa ese gore o ne a bua ka dikgwetlho tsa gagwe mo lefelong le lesa, mme ga Ke kitla ke lebala puisanyo ya rona ya bobedi.

O ne a kopa go mpona mo ofising yame. Ke ne ka gakgamala fa a ne are, "A re ka se rapele mmogo, A mme nka se nne lentswe?" Ke ne ke tloga kere Ke setse ke rapetse mme ke ne ke solofetse gore le ene o dirilefela jalo. Mo boemong joo Ke ne ka dumela.

O ne a simolola thapelo ya gagwe ka bopaki jwa gore o itse gore bishopo o biditswe ke Modimo. O ne a kopa Modimo gore a mpolelele gore ke dire eng mo mathateng a ditlhamorago tse dikgolo tsa semowa. Monna yo mmotlana o ne a bolelela Modimo gore o na le netefatso ya gore bishopo o setse a itse ditlhoko tsa gagwe le gore o tlaa fiwa kgakololo eo a e tlhokang go utlwa.

Jaaka fa a ne a bua, dikotsi tse di lebaganeng tseo a tllileng go di bona dine tsa tla mo tlhaloganyong yame. Kgakololo e ne ele motlhofo mme e filwe ka tlhamalalo e kgolo: rapela ka metlha, obamela melao, mme o se boife.

Monna yo mmotlana yo, a le ngwaga ele nngwe mo Kerekeng, o rutile ka sekai se Modimo a ka se dirang le moeteledipele jaaka fa a tlamelwa ka tumelo le dithapelo tsa bao a ba bileditsweng go ba direla. Monna yo mmotlana o ne a mpontsha maatla a molao wa kutlwisiso mo Kerekeng (bona D&C 26:2). Le fa tota Morena a bitsa bathanka ba Gagwe ka tshenolo, ga ba kake ba bereka fa e se fela ba tlametswe ke bao ba ba bileditsweng go ba direla.

Ka tlhopho ya rona ya go tlamela, re dira ditsholofetso tse di masisi. Re solofetsa go rapelela batlhanka ba Morena le gore o tlaa ba etelelepele a ba thatafatsa (bona D&C 93:51). Re beeletsa gore re tla lebelela gape re solofele go ikutlwa tlhotlheletso gotsweng Modimong mo kgakolong ya bone le fa ba dira mo pitsong tsa bone gongwe le gongwe (bona D&C 1:38).

Tsholofetso eo e tlhoka go nne e shafadiwa mo dipelong tsa rona kgapetsa kgapetsa. Moruti wa gago wa Sekolo sa Sontaga o tlaa leka go ruta ka Mowa, mme fela jaaka o ka nna wa leka, moruti wa gago o kanna a dira dipphoso fa pele ga tlelase. Wena, le fa go ntse jalo, o ka tsaya tshwetso ya go reetsa le go lebelela dinakwana tseo o tlaa ikutlwang tlhotlheletso etla. Ka nako o tlaa lemoga dipphoso tse di mokawana mme kgapetsa kgapetsa bosupi jwa gore Modimo o tlamela moruti yoo.

Jaaka fa re tsholetsa seatla go tlamela motho, re itlana go berekela maikaelelo a Morena a motho yo o a a bileditsweng go a diragatsa. Fa bana ba rona bane ba le bannye, mogatsaka o ne a bileditswe go ruta bana ba bannye mo wateng ya rona. Ke ne ke sa tsholetsa seatla same fela go mo tlamela, Ke ne gape ke mo rapelela mme ka kopa tletla ya go mo thusa. Dithuto tseo Ke di filweng tsa malebogo a se basadi ba se dirang le lorato la Morena go bana dintse di segofatsa lelwapa lame le botshelo jwa me.

Ke ne ke bua maabanyane ka monna mmotlana yo o tlametseng bishopo wa gagwe dingwaga tse di fitileng. Ke ne ka ithuta gore Morena le batho ba mo tlametse mo pitsong ya gagwe ele morongwa, ele moporesidente wa seteiki, gape ele ntate. O ne are jaaka fa puisanyo ya rona e ne e fela, “Ke ntse ke a go rapelela malatsi otlhe.”

Re ka ikemisetsa go rapelele malatsi otlhe motho yo o biditsweng ke Modimo go re direla. Re ka leboga motho yo o re segofaditseng ka ditirelo tsa gagwe. Re ka tsaya tshwetso go gatela pele fa mongwe yo re mo tlametseng a kopa baithaopi.¹

Bao ba ba tshegeletsang godimo batlhanka ba Morena mo bogosing jwa Gagwe ba tlaa tlamelwa ke maatla a Gagwe ka botlalo. Rotlhe re tlhokana le lesego leo.

NTLHA

1. Bona *Dithuto tsa Boporesidente jwa Kereke: Joseph F. Smith* (1998), 211–12.

GO RUTA GO TSWA MOLAETSENG O.

Morago ga o sena go abelana molaetsa o, akanyetsa go bala khoute e e latelang: “Morena o tlaa go dira sedirisiwa mo diatleng tsa Gagwe fa o le boikokobetso, boikanyego, le tlhagafalo. . . . O tlaa amogela kokeletso ya thata fa o tlamelwa ke phuthego gape o beilwe diatla” (*Teaching, No Greater Call* [1999], 20). Tla lelwapa le kgobokanele godikologa sengwe seo se leng bokete mme o botse motho ale mongwe go leka go se tsholetsa. Go oketsa motho a le mongwe ka nako, go laletsa maloko a mangwe a lelwapa go thusa go se kuka. Buisanya gore go direga eng fa mongwe le mongwe a thusa. Akanyetsa go gatelela kgakololo ga ga Moporesidente Eyring ka ga ditsela tseo di diradiwang tseo re ka tlamelang ba bangwe mo dipitsong tse dingwe.

BONANA

Malebo go Moruti wa Me wa Sekolo sa Sontaga

Leina ga le a kwadiwa

Tlelase ya Sekolo sa me sa Sontaga ga e ke e nna ka metlha ka tshisibalo. Ke rata go reetsa thuto beke le beke, mme nako tse dingwe go lebega jaaka ekele bangwe mo tlelaseng ba sa batle. Gantsi ba bua ka bo bone kgotsa ba tshameka ka dilo tsa motlhakase fa moruti a leka go re ruta. Ka maswabi, Ke iphitlhela ke le karolo ya bothata jo.

Beke nngwe re ne re le maswe go gaisa malatsi a mangwe, mme fa tlelase e fela, moruti wa rona o ne a gogeletswe kwa go le leng ka gore go ne go sena yo o neng a reetsa thuto ya gagwe. Jaaka fa re ne re tswa mo tlelaseng ya gagwe, Ke ne ka mo utlwela botlhoko.

Sontaga yo o latelang moruti wa rona o ne a tlhalosa fa a rapetse thata beke eo, a senka kaelo, mme go ne ga tla mo go ene gore go tlhokega gore a re bontshe filimi ya Kereke. O ne a simolola motshikinyego, yo o neng o le ka ga botshelo jwa ga Jeso Keresete le dikgakgamatso tse A didirileng.

Jaaka Ke ne ke akanya ka ga filimi mantsiboeng ao, Ke ne ka ikutlwa sengwe se se pharologanyo. Ka bofefo Ke ne ka lemoga fa Ke ikutlwa Mowa, go gaisa thata gona le pele. Ka tshoganetso Ke ne ka tsaya tshwetso ya gore Ke batla go dira diphetogo

mo botshelong jwa me gore Ke nne thata jaaka Mmoloji, mme Ke ne ka lemoga gore maitemogelo a me a Sekolo sa Sontaga ka letsatsi leo a thatafaditse thata

bopaki jwame. Ke leboga thata moruti wame wa Sekolo sa Sontaga le sengwe le sengwe seo a se direlang tlelase ya rona beke le beke.



Tumelo, Lelwapa, Thuso

Thuto ya Ketelo— Thomo e e Boitshepo

Bala sedirisiwa se, fa go tlhokega, buisanya le bakaulengwe bao ba etelang. Dirisa dipotso go thusa gore o thatafatse bakaulengwe mme o dire Mokgatlho wa Thuso gore e nne ntlha nngwe ya botshelo jwa gago e e tlhaga.

Jaaka fa lole baruti ba ketelo, re na le thomo ya botlhokwa ya semowa eo o tshwanetseng go e dira. “Bishopo, yo a tlhomilweng ele modisa wa wate, ga a kake a kgona go lebelela tsotlhe dinku tsa Morena ka nako ele nngwe. O ikaegile mo baruting bao ba ba tlhotlheleditsweng gore ba mo thusa.”¹ Go senka le go amogela tshenolo ya gore ke mang yo o tshwanetseng go rongwa go lebelela mokaulengwe mongwe le mongwe go botlhokwa.

Tlhotlheletso e tla jaaka fa maloko a Mokgatlho wa Thuso a boporesidente a rapela ba buisana ditlhoko tsa batho le malwapa. Jalo, ka tetla ya ga bishopo, boporesidente jwa Mokgatlho wa Thuso ba fa thomo ka tsela eo e thusang bakaulengwe go tlhologanya gore thuto ya ketelo e botlhokwa ele maikarabelo a semowa.²

Baruti ba ketelo ka bopelophepa ba tla go itse le go rata mokaulengwe mongwe le mongwe, ba mo thusa go thatafatse tumelo ya gagwe, le go fa tirelo fa go tlhokega. Ba senka tlhotlheletso ya bone go itse gore ba ka itebaganya le ditlhoko tsa semowa le tsa selefatshe jang tsa mokaulengwe mongwe le mongwe.³

“Thuto ya ketelo e nna tiro ya

Morena fa regoitebaganya ga rona go le mo bathong gona le dipere-sente. “Ka nnete, thuto ya ketelo ga e nke e fela. Ke tsela ya botshelo sentle gona le pereko.”⁴

Go tsweng mo Mafokong a a Boitshepo

Matthew 22:36–40; John 13:34–35;
Alma 37:6–7

Gotsweng mo Ditsong tsa Rona

Eliza R. Snow, mogakolodi wa bobedi wa boporesidente jwa kakaretso wa Mokgatlho wa Thuso o ne a ruta gore, “Ke tsaya ofisi ya go ruta ele e e godimo ele ofisi e e boitshepo.” O gakolotse baruti ba ketelo go “go tlalwa ke Mowa wa Modimo, wa botlhale, wa boikokobetso, wa lorato” pele ga ba etela magae gore batle ba rurifatse ba ikopantshe le ditlhoko tsa semowa fela jaaka tsa selefatshe. O ne are, “O ka nna wa ikutlwa go bua mafoko a kagiso le kgomotso, mme fa o bona mokaulengwe a ikutlwa a tsidifetse, mo tseye o mo ise mo pelong ya gago jaaka o ka dira ngwana mo sehubeng sa gago go [mo] thuthahatsa.”⁵

Jaaka fa re gatela pele ka tumelo jaaka bakaulengwe ba pele ba Mokgatlho wa Thuso ba ne ba dira, re

tlaa nna le Mowa o o Boitshepo go nna le rona le go re tlhotlheletsa go itse gore re ka thusa mokaulengwe mongwe le mongwe jang. “Tla [re] senkeng botlhale mo boemong jwa maatla,” ga bua Mokaulengwe Snow, “mme [re] tla nna le maatla otlhe[re] na le botlhale bo katisa.”⁶

DINTLHA

1. Julie B. Beck, “Relief Society: A Sacred Work,” *Liahona*, Ngw. 2009, 114.
2. Bona *Handbook 2: Administering the Church* (2010), 9.4.2.
3. Bona *Handbook 2*, 9.5.1.
4. Julie B. Beck, *Liahona*, Nov. 2009, 114.
5. Eliza R. Snow, mo *Daughters in My Kingdom: The History and Work of Relief Society* (2011), 108.
6. Eliza R. Snow, mo *Daughters in My Kingdom*, 45–46.

Ke ka dira eng?

1. Ke ka tokafala jang mo go kgoneng game go diragatsa maikarabelo ame a a botlhokwa kele moruti wa ketelo?
2. Jaaka kele moruti wa ketelo, ke Ka thusa jang bakaulengwe go diragatsa maikarabelo a bone a go nna baruti ba ketelo?

Go bona molaetsa yo montsi, ya ko reliefsociety.lds.org.

© 2012 ka Kutlwisiso e e Beilweng, Inc. Tetla tsotlhe di beilwe. E gatisitse mo USA. Tetla ya Sekgoa: 6/11. Tetla ya Thanolo: 6/11. Thanolo ya *Visiting Teaching Message, June 2012*. Tswana. 10366 763